

# 卷十二

書名 唐丞相曲江張先生文集二十卷 嘉靖十五年序新會鄧一新刊本  
 撰者 唐 張九齡 撰，明 丘濬 編  
 卷 卷十二  
 內容分類 集 別集 唐五代 盛唐  
 索書號 仁井田 集 N4003  
 編號 D7130401

[彩色首頁1](#)

[東洋文化研究所漢籍目錄 編號: D7130401](#)

[東洋文化研究所漢籍目錄所藏漢籍善本文影像資料庫 索書號: 仁井田 集 N4003](#)

[漢籍善本文影像資料庫文本唐丞相曲江張先生文集二十卷 嘉靖十五年序新會鄧一新刊本](#)

版權所有: 東京大學 東洋文化研究所  
使用上的注意事項

唐丞相曲江張先生文集卷之一

頌  
赫賦

龍池聖德頌并序

開元紀功德頌并序

聖應圖贊并序

元正歷握乾符頌并序

羽扇賦并序及御批

龍池聖德頌

龍池聖德頌

聞皇天眷命元聖有作上帝何言





西未必有成何須同惡若爾者欲先為惡乃以南蠻  
為詞今料此情亦已有備近令勒兵數萬繼赴安西  
儻有所傷慎勿為恠也朕心無所負事欲論平但國  
家之所守者信鬼神之所助者順未有背道求福違  
約能昌何況兵衆不可當而又天道所不假以此求  
濟不亦難乎遠道所傳多應不實亦計贊普不合異  
圖故令人審看定何緣也待潘息廻日更別具委曲  
今附少物具如別數為路遠不得多附春首尚寒贊  
普及公主比如宜也平章事並平安好今使內常侍  
竇元禮遣書指不多及

文集卷第十一

委曲江張先生文集卷之十二

勅書

勅吐蕃贊普書

勅吐蕃贊普書

勅金城公主書

勅吐蕃贊普書

勅金城公主書

勅吐蕃贊普書

勅張待賓書

勅牛仙客書

勅張待賓書

勅護密國王書

勅護密國王書

勅識匿國王書

勅勃律國王書

勅諸國王葉護城使等書

勅罽賓國王書

勅日本國王書



勅蒙歸義書

勅拓靜州首領書

勅蒙歸義書

勅蠻首領鐸羅望書

勅爨仁哲書

勅吐蕃贊普書

皇帝問贊普得七月一日信所言陰承本奏請不擬與彼和將兵馬大入者至如和與不和事皆由朕自斷何人輒敢奏聞何兵即敢擅入所結親好不是近年文成公主已來亦重疊矣中間或絕或繼終是舊好存焉惟道此有讒臣不知彼專構造亦須自覺豈可推過至如兵馬邊備彼與此同既見彼處加兵豈此總無備矣疑自彼起不可相尤近日築城不出疆界邊頭有要隨事修營何所致疑以此為語如彼頻歲亦築數城若不惡心何故嚴備固是邊境常事不足為言忽此相尤深所未達彼蕃必其自守此兵終不妄行所立盟約更知何用鬼神知意不必多言秋氣已冷贊普及平章事並平安好遣書指不多及

勅吐蕃贊普書

皇帝問贊普此使前至之日具知彼意實元禮中間所去亦已備論且親以舅甥之國申以婚姻之好義非不重心豈合疑頃歲以來加之盟約此又不信其



如之何至如境上蠻夷元是衆物來不可拒去不可  
追前書已言想所知也而每來信使皆以爲詞或去  
越界築城或稱將兵抄掠且蠻既背彼伊自築城城  
在蠻中人即隨地所以侵竊亦是群蠻皆在荒遐豈  
關處分而歸過於我無乃甚乎邊境小人不識大體  
此既未免彼亦有之聞構既行猜嫌互起朕近已知  
此贊普亦須察之勿取浮言虧我大信以絕兩國之  
好甚善甚善所有諸事皆具前書公主所請與人官  
及內人品第即當續有處分春晚漸熱贊普及平章  
事並平安好今有少物別具安曲至宜領取遣書指  
不多及

勅金城公主書

勅金城公主歲月流易忽復經年言念遠情何能已  
已比者通好信使數來知彼所宜善足爲慰國家大  
計以義斷恩離別嬰心固當自抑仍善湏和順使歡  
好如初所請授官及內人品第既久在彼誠亦可矜  
即當續有處分宗玄禮衰疾近不能起賈混之緣此  
未得獨行待其稍瘳亦即遣去今有少信物至宜領  
取春晚公主已下並平安好遣書指不多及

勅吐蕃贊普書



皇帝問贊普朕與彼國既是舊親近年已來又加盟約如此結固仍有猜嫌明知異域之心亦難可保此者所有信使惟知怨此相違自料國家何負於彼至於突騎施最爾醜虜頃年恃我為援幸至今日而敢辜恩朕未即誅之待其惡積贊普越界與其婚姻前者以意向道即云尋已告絕朕亦委信以為必然今乃定婚如初黨惡可見又莽布支西出朕具知之令竇元禮往彼問以何故又道別緣他事為此追遠其人實將兵向西擬行攻取前後詐妄言與事違險在目前得不嘆恨夫人之所以為貴者以其有信有禮

國之所以能強亦云惟信與義

若言不可親雖在匹

夫尚多耻媿何況君長能無情乎彼突厥施人面獸心偏僻荒遠見利則背與親實難贊普背朕宿恩共彼相厚應非長策可熟思之又比來觀彼事意有殊往日惟任計數以此為能今與突騎施和親密相結託陰有贊助而傍作好人如此潛謀亦非遠計所欲為患不過邊庭且邊鄙之於中國如毫毛之在身耳以彼戎狄侵我毫毛雖實無多何須有損朕所以殷勤和好欲靜邊人君國之心不能忘也亦與贊普累代舊親幸無大故不宜輕絕今邊鎮兵馬不可不防



彼亦有之與此無別既不先舉自足知心從前所言  
豈有虛也秋晚稍冷贊普及平章事首領百姓並平  
安好遣書指不多及

勅金城公主書

勅金城公主數有來使聞彼安寧差慰遙心想所知  
也柔順之道既以夙成終始用心貴於無失惟此而  
已餘不足言所附物並依領具有還答并更附少信  
物別有委曲至宜領取秋冷念比何似遣書指不多  
及

勅吐蕃贊普書

皇帝問吐蕃贊普比亦覺彼爭勢有異略加防備仍  
未益兵今得安西表來莽布支率衆已到今見侵軼  
軍鎮并踐暴屯苗先知彼有異謀猶未自將至此者  
且莽布支西出朕先知之前令問其行由得報自緣  
別事今乃爲賊負心如何安西諸軍去此萬里倉卒  
遇敵何暇奏裁既交侵必應正鬪倘有傷損可無  
相尤軍城鎮守之不可束手就死事由彼起深所  
咨嗟且累代舊親後新有盟約彼既欺負天地違犯  
鬼神如此用心爾知何道一徃邊頭所備只緣慮有  
非常今果如言防乃不銷突騎施異方禽獸不可以



大道論之贊普與其越境相親只慮野心難得但試相結久後如何於朕已然義則合絕但為誓約在近親好又深彼雖背恩豈我尤效先今莽問欲盡舊情必定為惡別為之所一昨遺內常侍劉思賢送公主封物并每年國信物見已臨路適會表來思賢此行量其在道遲緩人故令劉思賢判官劉明子先行具宣往意秋冷贊普公主及平章事並平安好遣書指不多及

勅西州都督張待賓書

勅天山軍使西州刺史張待賓吐蕃背約入我西鎮觀其動衆是不徒然必與突騎施連謀表裏相應或恐賊心多計諸處散下鐵關于術四鎮咽喉倘為賊所守事乃交切已勅蓋嘉運與卿計會簡練驍雄於要處出兵以為聲援仍遠令探候知其有無自外臨時皆委卿量事秋冷卿及將士並平安好遣書指不多及

勅河西節度副大使牛仙客書

勅河西節度副大使太僕卿攝御史大夫牛仙客突騎施連歲犯邊凶惡如此若不威服祇長寇讐自夏及今連營不散時勒雖解邊城見侵雖無如我何亦



為邊所患。然有計以挫凶謀。卿可於河西諸軍州  
揀練驍雄三千人。即赴安西。受王斛斯分部。朕當發  
遣十八年。安西恩贖五千四百八十人。與彼相續。足  
得成師。若無計足勞。何從息甲。且此賊狂悖。不論信義。  
直肆凶毒。其意已然。不此加兵。以圖撲滅。使其驕暴。  
豈有寧時。已勅蓋嘉運與王斛斯審量事宜。臨時為  
計。既為卿探訪所管。亦宜隨要指麾。兼有別勅。發三  
萬人。此但聲援而已。可太張威勢。遠使震懾。又恐安  
西費用之乏。卿可於涼府將二十萬段物。往安西。令  
隨事支擬。及克宴賜。朕則續文送涼州云云。

勅天仙軍使張待賓首

勅天仙軍使張待賓。近知賊下燒此。安然即去。計無  
斥候。來不預知。如此防邊。無乃踈闊。此一分頭抄掠。  
計其數。不至多。向若烽鋪。稍明復與北庭計會。相與  
來擊賊。可無遺。且邊鎮統軍。俱受朝委。共防患害。何  
異一家。况在絕漠。尤宜相援。已勅蓋嘉運。訖可與之。  
籌宜凶黨。復來固。須有預冬。中甚寒。卿及將士。並平  
安好。遣書指不多及。

勅護密國王書

勅護密國王。真擅朕知。卿忠赤能保國境。所以前加



禮命用叶蕃情卿感此殊恩盡力外禦聞有凶寇能伸遠績以義動衆雖弱必強豈獨人心亦有神助甚用嘉歎不可忘也冬末甚寒卿及將士比並平安好遣書指不多及

勅護密國王書

勅護密國王真擅發訃積惡自取滅亡想所具知不復煩述卿此者雖受冊立緣此未得還蕃彼既伏辜固無隔閼卿宣揚國命慰撫遠人保我西陲長守誠節突騎施凶逆慮其寇掠卿宜善討勿令不覺其來巴西商胡北遭發訃劫掠道路遂斷遠近呼嗟卿宜還國必須防禁蕃中事意遠路難聞可量彼權宜便與王斛斯計會夏末甚熱卿及首領並平安好遣書指不多及

勅識匿國王書

勅識匿國王烏訥沒莫賀咄卿此與護密相為唇齒而發訃凶狡劫殺商胡罪不容誅走投異域朕知其惡積改立真擅遠聞却來還占本國卿等讐戾頑暴相率誅之累歲逋逃一朝剪滅永言忠義深所嗟稱今授卿將軍賜物二百疋錦袍金鈿帶七事已下節級者有衣物各宜領取夏末甚熱卿及百姓並平安



好遣書指不多及

勅勃律國王書

勅勃律國王蘇沒謹忙得于斛斯表卿所與斛斯書知卿忠赤輸誠國家外賊相誘執志無二又聞被賊侵寇頗亦艱虞能自支持且得退散并有殺獲朕用嘉之卿兄麻來兮及首領已下各量與官賞具如別勅今賜物三百疋銀盃銀盤各一衣一副并金鈿帶七事至宜領取夏中甚熱卿及首領並平安好遣書指不多及

勅諸國王葉護城等書

國王葉護城使等突駢施不道連年作寇使我鎮常以為虞諸處攻圍所在堅守能同其際谷誅夷比卿等赤誠臨事效節使妖不勝德氛侵自消逢料凶謀還慮再下且賊衆烏合疲於重來勞則心離久必有隙卿等常須有預以逸待之一二年間奇功可立富貴之舉彼賊是資忠烈之懷此心可度今各賜卿衣一副聊慰勤誠所有勲勞已令敘定當續有處分想亦知之春暄卿及將士並平安好遣書指不多及

勅罽賓國王書



勅屬賓國王得四鎮節度使王斛斯所翻卿表具知  
好意然事在絕域不可預圖卿若誠心任彼量度事  
遂之日必有重賞朕每於遠國未常有所食言想亦  
知之勿致疑也秋初尚熱卿及首領並平安好遣書  
指不多及

勅日本國王書

勅日本國王主明樂美御德彼禮義之國神靈所扶  
滄溟往來未常爲患不知去歲何負幽明丹墀真人  
廣成等入朝東歸初出江山雲霧半暗所向迷方代  
曹惡風諸船飄蕩其後一船在越州界即真人廣成  
尋已發歸計當至國一船入南海即朝臣名代艱  
虞備至性命僅存名代未發之間又得廣州表奏朝  
臣廣成等飄至林邑國既在異國言語不通並被劫  
掠或殺或膏言念災患所不忍聞然則林邑諸國比  
常朝貢朕已勅安南都護令宣勅告示見在者令其  
送來待至之日當存撫發遣又一船不知所在永用  
疚懷或已達彼蕃有來人可具奏此等災變良不可  
測卿等忠信則爾何負神明而使彼行人罹其凶害  
想卿聞此當用驚嗟然天壤悠悠各有命也中冬甚  
寒卿及百姓並平安好今朝臣名代還一一口具遣



書指不多及

勅西南蠻大首領蒙歸義書

勅西南蠻大帥特進蒙歸義及諸酋首領等卿近在邊境不比諸蕃率種歸誠累代如此况卿等更效忠赤朕甚知之頃者諸酋之中或有携貳相率自討惡黨悉除即日蕃中應且安帖然則地臨外境亦須有預人無遠慮必有近憂卿可思之豈虛語也所有蕃中事意使者具知之比秋涼卿及百姓並平安好遣書指不多及

勅拓靜州首領書

勅拓靜州部落昨王承訓去緣當州百姓有相扇動故令宣旨告示彼人如卿拓靜等州種落各異本自寧帖何復為言此者採訪使處置或未得所朕既知之已有處分卿等祖父忠赤輸誠國家既是子孫久襲冠帶各守先業足得坦然何所憂虞而云驚懼宜各遞相告語勿使更然夏中已熟首領百姓並平安好遣書不多及

勅西南蠻大首領蒙歸義書

勅蒙歸義吐蕃於蠻擬行報復又雋州鹽井本屬國家中間被其內侵近日始復收得卿彼蕃落亦應具



知吐蕃惟利是貪數論鹽井比有信使類以為詞今知其將兵擬侵蠻落無擬取鹽井事似不虛國家與之通和未常有惡今既如此不可不防卿即與達奚守珪部落團練候其有動言可出兵必無事蹤亦不得先舉嵩州相去道里稍遙若有驚急復須為援並委卿與達奚守珪計會無失事宜卿於國盡誠在邊為捍委寄得所朕復何憂秋中漸涼卿及首領百姓並平安好今故令內給事王承訓往一一口具遣書指不多及

勅蠻首領鐸羅望書


勅故姚州管内大酋長郝倍時嫡孫將軍鐸羅望卿之先祖輸忠奉國遽聞徂逝深愴于懷言念遠人必籍綏撫又逼蕃界兼資鎮遏卿宜繼承先業以副朕心故遣宿衛首領王白于姚州都督達奚守珪計會就彼吊慰便授卿襲浪穹州刺史并賜綾彩三百疋至宜領取秋中已涼卿及首領已下並平安好遣書指不多及

勅安南首領爨仁哲書

勅安南首領歸州刺史爨仁哲潘州刺史潘明威獠子首領阿迪和蠻大鬼主孟谷悞姚州首領左威衛



將軍爨彥徵將軍昆州刺史爨嗣紹黎州刺史爨會  
戎州首領右監門衛大將軍南州刺史爨歸三南寧  
州司馬威州刺史都大鬼主爨崇道昇麻縣令孟耽  
卿等雖在僻遠各有部落俱屬國家並識王化比者  
時有背叛似是生梗及其審察亦有事由或都府不  
平處置有失或朋讐相嫌經營損害既無控告自不  
安寧兵戈相防亦不足深怪也然則既漸風化亦當  
頗革蠻俗有須陳請何不奏聞蕃中事宜可具言也  
今故令掖庭令安道訓往彼宣問並令口具存隱便  
可一一奏聞秋中已涼卿及百姓並平安好遣書指  
不多及





唐丞相曲江張先生文集卷之十二

曲江張先生文集卷之十二

讓起復平章事表 進千秋節金鏡錄表

荊州謝上表 賀赦表

慶冊皇太子表 洪州進白鹿表

為王峻謝表 獻寫聖真圖表

為何給事進父書 論教皇太子狀

論勘內婦女事狀 論東北軍未可輕動狀

薛王疾宣史館狀 薛王薨請上復膳狀

請御注道經疏狀 請將吏刊石紀功狀

